



I. PRINCIPADO DE ASTURIAS

• OTRAS DISPOSICIONES

CONSEYERÍA D'EDUCACIÓN Y CULTURA

RESOLUCIÓN de 23 d'ochobre de 2017, de la Conseyería d'Educación y Cultura, pola que se conceden y denieguen subvenciones pa la promoción de la música n'asturianu y, nel so ámbitu, en gallego-asturianu, en réxime de concurrencia competitiva.

Tramitáu'l correspondiente espediente de convocatoria de subvenciones pa la promoción de la música n'asturianu y, nel so ámbitu, en gallego-asturianu en réxime de competencia competitiva, resulten los siguientes

Fechos

Primeru.—Por Resolución de la Conseyería d'Educación y Cultura de 13 de mayu de 2016 (BOPA de 16 de xunu de 2016) aprobáronse les bases reguladores de subvenciones para la promoción de la música n'asturianu y en gallego-asturianu, en réxime de concurrencia competitiva.

Segundu.—Por Resolución de 24 de febreru de 2017 de la Conseyería d'Educación y Cultura (BOPA 05-03-2017) apruébase'l plan estratéxicu de subvenciones pa l'exerciciu 2017, que'l so anexu I inclúi la llinia de subvenciones pa la promoción de la música n'asturianu y, nel so ámbitu, en gallego-asturianu.

Terceru.—Por Resolución de 14 de xunu de 2017, de la Conseyería d'Educación y Cultura, apruébase la convocatoria de subvenciones pa la promoción de la música n'asturianu y, nel so ámbitu, en gallego-asturianu, en réxime de concurrencia competitiva (BOPA 30-06-2017).

Cuartu.—Tramitaos los espedientes conforme a lo dispuesto na base XI del Resolución de la Conseyería d'Educación y Cultura de 13 de mayu de 2016, la Comisión de Valoración (designada por Resolución de fecha 15 de setiembre de 2017) na so xunta del día 5 d'ochobre de 2017 emite informe de la evaluación y valoración de les solicitúes presentaes, llevántandose la correspondiente acta.

Quintu.—El Serviciu de Planificación Llingüística y Normalización, a la vista de l'acta na que se recueye l'informe-evaluación de la Comisión sobre los espedientes, formula en fecha 10 d'ochobre de 2017 propuesta de Resolución definitiva de concesión de les ayudes que se recueyen nel anexu I de la propuesta.

Sestu.—Esiste creitu afayadizu y suficiente na aplicación presupuestaria 14.10.422R.472.001 del vixente presupuestu de gastos y aprobóse el correspondiente espediente de gastu pala financiación del gastu de la convocatoria (N.u de espte. del documentu contable A 1400004466).

Séptimu.—Los beneficiarios, en cumplimientu de lo previsto na Llei 38/2003, de 17 de payares, Xeneral de Subvenciones, acreditaron tar al corriente nel cumplimientu de les sos obligaciones tributaries y frente a la Seguridá Social y cumplir colos restantes requisitos y obligaciones recuyíos nes bases reguladores y na correspondiente convocatoria.

Octavu.—Conforme a lo dispuesto na Resolución de 16 de mayu de 2005, de la Conseyería d'Economía y Alministración Pública, pola que s'establez el sistema d'información contable de l'Alministración del Principáu d'Asturies y el so sector públicu y apruébense les normes sobre los procedimientos de xestión, tramitación y réxime de contabilidad na execución del presupuestu de gastos, la Intervención Delegada, en fecha 20-10-2017, emitió'l correspondiente informe fiscal favorable.

A los fechos son-y d'aplicación los siguientes

Fundamentos de derechu

Primeru.—L'artículu 38, apartáu i), de la Llei 6/1984, de 5 de xunetu, del Presidente y del Conseyu de Gobiernu, l'artículu 21, párrafu 4 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies, y l'artículu 5 del Decretu 6/2015, de 28 de xunetu, del Presidente del Principáu, de reestructuración de les Conseyerías qu'integren l'Alministración de la Comunidá Autónoma, tocantes a la determinación de les competencies y facultaes del Ilmu. Sr. Conseyeru d'Educación y Cultura para adoptar la presente resolución, y n'especial, lo previsto nel artículu 3 del Decretu 71/92, de 29 d'ochobre, pol que se regula'l réxime xeneral de concesión de subvenciones, que señala que los titulares de les Conseyerías son los órganos competentes pa otorgar les subvenciones y ayudes dientro del ámbitu de la so competencia, previu conseñamientu presupuestariu para esti fin.

Segundu.—La competencia para disponer el gastu correspuende al titular de la Conseyería d'Educación y Cultura conforme a lo dispuesto nos artículos 8 y 41 de la Llei de Réxime Económicu y Presupuestariu del Principáu d'Asturies, testu refundíu aprobáu por Decretu Lexislativu 2/1998, de 25 de xunu y l'artículu 8.1 de la Llei del Principáu d'Asturies 6/2016, de 30 d'avientu, de Presupuestos Xenerales pa 2017.



Terceru.—Ye-y d'aplicación lo dispuesto nos artículos 24 a 27 de la Llei 38/2003, de 17 de payares, Xeneral de Subvenciones, mesmo que lo estableció nel Decretu 71/1992, de 29 d'ochobre, sobre réxime xeneral de concesión de subvenciones, modificáu parcialmente pol Decretu 14/2000, de 10 de febreru, no que se refier a la forma de concesión de subvenciones; según lo previsto nes bases reguladores aprobaes por Resolución de fecha 13 de mayu de 2016.

Cuartu.—Otramiente, son d'aplicación l'artículo 30 de la Llei 38/2003 y los artículos 11 y 12 del Decretu 71/1992, de 29 d'ochobre, sobre réxime xeneral de concesión de subvenciones, modificáu parcialmente pol Decretu 14/2000, de 10 de febreru, tocantes a la xustificación y abonu de les subvenciones; mesmo que lo previsto na Instrucción del Conseyeru d'Economía sobre documentos presentaos para l'abonu de subvenciones concedíes pola Alministración del Principáu d'Asturies, publicada por Resolución de 22 d'avientu de 1997, de la Consejería d'Economía.

Vistos los preceptos llegalos citaos y demás de xeneral aplicación, na so virtú,

RESUELVO

Primero.—Disponer el gastu y conceder subvenciones, por un importe global de 7.652,00 euros (siete mil seiscientos cincuenta y dos euros) con cargu al conceptu presupuestariu 14.10.422R.472.001, de los Presupuestos Xenerales del Principáu d'Asturies para'l 2017, a los beneficiarios que se rellacionen nel Anexu I d'esta Resolución pa los proyectos que se subvencionen y nes cuantíes que s'indiquen.

Segundo.—Tornar subvenciones a los peticionarios que se rellacionen nel Anexu II poles razones y causes que s'indiquen.

Tercero.—Los que llogren la subvención van tener la obligación de xustificar documentalmente, na forma y plazos previstos nesta Resolución de concesión y na correspondiente convocatoria, el cumplimientu de la finalidá que motivó la so concesión según l'aplicación de los fondos recibíos y d'alcuercu, sía que non, colo previsto nel artículo 30 de la Llei 38/2003, de 17 de payares, Xeneral de Subvenciones. L'últimu día para la xustificación de l'ayuda concedida va ser el 1 d'avientu 2017.

Los beneficiarios van tener la obligación de xustificar la realización íntegra del proyectu y la totalidá de los gastos del presupuestu aprobáu (PA), non solo la parte correspondiente a l'ayuda recibida. La xustificación de les subvenciones va realizase pol sistema de cuenta xustificativa, que va tener el conteníu establecíu na base XIV del Resolución de 13 de mayu de 2016, alvirtiéndose que solo se considerará gastu xustificable l'efectivamentu satisfechu (pagu) a la fecha llímite de xustificación. La relación clasificada de gastos ya inversiones de l'actividá ha presentase según modelu anexu II de la convocatoria publicada por Resolución de 14 de xunu de 2017.

Cuarto.—Con calter xeneral, l'abonu de les subvenciones va facese efectivu en xustificando na forma establecida na base XIV del Resolución de 13 de mayu de 2016, y nel resuelvo 2.º, puntos 9 y 10, de la convocatoria realizada por Resolución de 14 de xunu de 2017.

Sicasí lo dispuesto nel apartáu anterior, con calter escepcional na presente convocatoria, según lo dispuesto nes bases XVI.2 y XVII.b del Resolución de 13 de mayu de 2016, los proyectos subvencionaos con un importe inferior a seis mil diez euros (6.010 €) van abonase trescurriós 15 díes hábiles dende la publicación del Resolución de la concesión nel BOPA, siempre que nun medie arrenunciu espresu del solicitante.

En tolos casos, pa proceder al pagu de la subvención concedida ríquese la presentación del certificáu del órganu correspondiente qu'acredite tar al corriente de les obligaciones tributaries y cola Seguridá Social, y nun tener deldes cola Hacienda del Principáu d'Asturies, exonerando d'esta obligación cuando la cuantía de la subvención, por beneficiariu y añu nun entepase de 3.005,06 €, tal que s'establez nel artículo 10.3 d) del Decretu 71/92, de 29 d'ochobre, que regula'l Réxime Xeneral de Concesión de Subvenciones.

Sía que non, l'abonu antemanáu de la subvención nun exime de la obligación d'acreditar en plazu'l cumplimientu de les condiciones establecíes na Resolución de concesión.

Quinto.—La concesión de les presentes subvenciones va ser compatible cola percepción d'otres subvenciones, ayudes, ingresos o recursos para la mesma finalidá, procedentes de cualquier Alministración o entes públicos, o fondos procedentes de la Unión Europea o d'organismos internacionales. Sicasí, en nengún casu la cuantía, aisladamente o en concurrencia con otres subvenciones, va poder superar el costu total del proyectu.

Sesto.—Los beneficiarios comprométense, amás, a citar espresamente que l'actividá atópase subvencionada pola Consejería d'Educación y Cultura na publicidá y difusión que se faiga de l'actividá a la que se destina la subvención.

Séptimo.—Ordenar la publicación de la presente nel Boletín Oficial del Principáu d'Asturies.

Esta Resolución escosa la vía alministrativa y va poder ser recurrida potestativamente en reposición, énte'l conseyeru d'Educación y Cultura, nel plazu d'un mes computáu dende al otru día al de la so publicación nel Boletín Oficial del Principáu d'Asturies (BOPA), o ser directamente impugnada énte la Sala de lo Contencioso-Alministrativo del Tribunal Superior de Xusticia d'Asturies, nel plazu de dos meses contaos dende la recepción de la so notificación, ensin perxuciu de cualesquier otru recursu qu'evaloren procedente interponer en defensa de los sos intereses.

Uviéu, a 23 d'ochobre de 2017.—El Conseyeru d'Educación y Cultura, Genaro Alonso Megido.—Cód. 2017-12109.



Anexu I

SUBVENCIONES CONCEDÍES

| N.º espte. | Solicitante | NIF/CIF | Prog./Proy. | Importe |
|-------------|----------------------------|-----------|--|-------------------|
| 2017/023546 | ARAZ NET SL | B33844622 | CD "Bestiaru III" de VVAA (1000 unidades) | 3.770,00 € |
| 2017/021473 | FONOGRÁFICA ASTURIANA SL | B33553595 | CD "XXII Concursu La Nueva" de VVAA (500 unidaes) | 1.047,00 € |
| 2017/023613 | SONIDOPOLIS S. COOP. ASTUR | F52533197 | CD "Surf na bañera" de Pop Piquiñín (500 unidades) | 2.835,00 € |
| | | | | Total: 7.652,00 € |

Anexu II

SUBVENCIONES DENEGAES

| N.º espte. | Solicitante | NIF/CIF | Prog./Proy. | Causa de non concesión |
|-------------|------------------------|------------|--|--|
| 2017/022276 | RUIZ GONZÁLEZ, ARSENI | 071632339N | CD "Salón Bombé" | -Nun presentar documentación esencial pa la resolución de la subvención, magar se-y riquiere |
| 2017/023496 | SELA RODRÍGUEZ, SUSANA | 011418714L | CD "Viaxar con pocu pesu" de Susana Sela | -Nun presentar documentación esencial pa la resolución de la subvención, magar se-y riquiere |